

ՊԱՏՄԱՐԱՆՆԵՐԻ ՍՈՎԵՏԱ-ՖՐԱՆՍԻԱԿԱՆ IV ԿՈՆՖԵՐԱՆՍԸ

1969 թ. նոյեմբերի 12—17-ը Երևանում ձայնագրված պատմաբանների սովետա-ֆրանսիական շորրորդ կոնֆերանսը:

Սովետական պատմաբանների ազգային կոմիտեի նախագահ, պատմական գիտությունների միջազգային կոմիտեի փոխնախագահ ակադ. Ա. Ա. Գուբերի բացման խոսքից հետո ողջույնի խոսք ասաց ՀՍՍՀ ԳԱ ակադ. Ա. Ռ. Հովհաննիսյանը: Նա ընդգծեց, որ այս կոնֆերանսը կնպաստի ՍՍՀՄ-ի և Ֆրանսիայի պատմաբանների փոխադարձ կապերի ամրապնդմանը: Հայաստանի կառավարության անունից կոնֆերանսի մասնակիցներին ողջունեց ՀՍՍՀ բարձրագույն կրթության մինիստր Ա. Ասլանյանը: Ակադ. Ժ. Շենյուբեռն (Ֆրանսիա) շնորհակալություն հայտնեց ՀՍՍՀ Մինիստրների սովետին հյուրընկալության, Հայաստանի ակադեմիային տվյալ կոնֆերանսի կազմակերպման համար, և ընդգծեց հայ ժողովրդի նպաստը համաշխարհային քաղաքակրթության մեջ:

Կոնֆերանսում քննարկման էր դրված երեք պրոբլեմ. 1. Բյուզանդիա և Հայաստան, 2. Ֆրանսիական հեղափոխության պատմության ուսումնասիրության ներկա էտապը և 3. սովետա-ֆրանսիական դիվանագիտական հարաբերությունների վերականգնումը 1924 թ.:

Առաջին պրոբլեմի վերաբերյալ կոնֆերանսի մասնակիցների ուշադրությանը ներկայացվեց երկու ղեկուցում: Սովետական կողմից՝ Հ. Բաբրիկյանի, Ս. Բոունազյանի և Կ. Յուզբաշյանի ընդհանուր զեկուցումը, իսկ ֆրանսիական կողմից զեկուցեց ՀՍՍՀ ԳԱ արտասահմանյան անդամ պրոֆ. Սիբարֆի Տեր-Ներսեսյանը: Առաջին զեկուցման մեջ հեղինակները ընդոծում էին, որ միջնադարում հայ ժողովրդի կյանքի բոլոր բնագավառներում հարեան և ոչ մի պետություն չի խաղացել այն դերը, ինչ Բյուզանդական կայսրությունը, ապա և որ Բյուզանդիայում հույներից հետո չի եղել մի ժողովուրդ, որ այդ պետության կյանքում ունենար այնքան մեծ դեր, ինչպիսին հայերը: Հայաստանն ընկած էր Հռոմեական կայսրության և Պարսկաստանի միջև: 387 թ. այդ երկու ախոյաններին հաջողվեց իրար մեջ բաժանել Հայաստանը, որով դրվեց Հայաստանի միասնության խախտման և երկու մասերի բաժանման սկիզբը: Կայսրությունը Հայաստանի իր բաժնում ծավալեց մի քաղաքականություն, որ Հուստինիանոս Ա-ի հրովարտականքում ձևակերպված էր հետևյալ բառերով. «Որ հայերն էլ ամեն ինչում հետևեն հռոմայեցիների օրենքներին»: Երկրում տարածվեց բյուզանդական կարգն ու կանոնը, ծանր հարկա-

պահանջությունը: Խարխլվում էր հայոց դարավոր ժառանգական իրավունքը, նախարարական կարգը:

Եթե Բյուզանդիան քաղաքականապես այս շրջանում Հայաստանի վրա բացասաբար ազդեց, ապա մշակույթի տեսակետից ազդեցությունը բարենպաստ էր: Հայերեն գրերի գյուտի, հայկական ինքնուրույն և թարգմանական գրականության առաջացման մեջ բյուզանդական մշակույթը զգալի դեր է խաղացել:

VII դարից սկսած Հայաստանը ավելի քան երկու հարյուր տարով անցավ արաբական գերիշխանության ներքո. հայ-բյուզանդական հարաբերությունները շարունակվեցին այլ ուղղությամբ: Հայաստանում ստեղծված ծանր վիճակը պատճառ դարձավ դեպի Բյուզանդիա հայերի կատարած արտագաղթի էլ ավելի լայն ծավալ ստանալուն: Բյուզանդիայում ապաստանած հայ տարրը աշխուժանում է: Հայերը VIII—IX դարերում տիրանում են նույնիսկ բյուզանդական գահին: 867 թ. հայազգի Վասիլը հիմնադրում է Մակեդոնական կոչված հարստությունը, որի շուրջ երկուդարյա իշխանության ժամանակաշրջանը իրավամբ բյուզանդական պատմության բարձրագույն շրջանն է համարվում: Հայերը կարևոր դեր են խաղում նաև հոգևոր և մշակութային ասպարեզում: Հայազգի կեսար Վարդապետ հիմնադրում է Մագնավրայի համալսարանը, որի ղեկավարը և բաղմամբով ուսուցիչներ հայեր էին:

Օղտվելով արաբ-բյուզանդական պատերազմից, Աշոտ Բագրատունին 862 թ. իրեն իշխանաց իշխան հռչակեց, իսկ 885 թ.՝ նաև թագավոր: Վասիլ Ա-ն շատ էր շահագրգռված բարեկամական կապեր հաստատելու Աշոտ Բագրատունու հետ արաբների դեմ դաշնակից ունենալու համար: Թեև արտաքնապես այդ հարաբերությունները բարեկամական էին, բայց իրականում հայերը մահու և կենաց կոիվ էին մղում: Կայսրությունը բաց չէր թողնում և ոչ մի առիթ Հայաստանի նվաճումն իրականացնելու համար: Մինչև 1065 թ. նրան հաջողվում է աստիճանաբար նվաճել գրեթե ամբողջ Հայաստանը: Տիրանալով Հայաստանին, Բյուզանդիան առաջին զործը համարեց բնիկ ավագանուն տեղահան անելը, նրա փոխարեն բյուզանդացի ֆեոդալներ բնակեցնելով երկրում: Հայաստանը բաժանվեց ռազմա-քաղաքական առանձին շրջանների, որոնք կատապանություններ էին կոչվում: Բյուզանդիան Հայաստանում ցրեց հայկական զորքերը, դրա փոխարեն զինվորական հարկ մտցնելով: Սկիզբ առան կրոնական հալածանք-

Շները: Նման քաղաքականությունը, սակայն, ի վերջո ճակատագրական դարձավ հենց իրեն՝ կայսրության համար: Նա վերացրեց այն պատ-
Նեշը, որ փակում էր դեպի Բյուզանդիա ձգտող
թշնամական հորդանքների մասնապարհը: Երբ XI
դարի 1-ին տասնամյակներում երևացին սելջուկ
թուրքերը, կայսրությունը ի վիճակի չեղավ
նրանց առաջն առնել, իսկ Հայաստանն էլ
զրկվել էր այդ կարողությունից: 1071 թ. տեղի
առնեցավ Մանազկերտի ճակատամարտը, որը
Բյուզանդիայի վերջի սկիզբը դարձավ:

Հայ-բյուզանդական հարաբերությունների
այս երկրորդ շրջանում էլ, հակառակ քաղաքա-
կան ու դավանաբանական սուր պայքարին,
տնտեսական և մշակութային կապերը Բյուզան-
դիայի և Հայաստանի միջև զարգանում էին բա-
վականին բարենպաստ կերպով: Հայերի ռազ-
մա-քաղաքական գործունեությունն էլ Բյուզան-
դիայում հասնում է իր զագաթնակետին: Ռոմա-
նոս Լեկապենոս, Նիկեֆոր Փոկաս, Հովհան
Չմշկիկ, Վասիլ Բ, Մլեհ, Հովհան Կուրկուաս
հայազգի կայսրերի ու ղորավարների անունները
փայլեցին կայսրության մեջ այս շրջանում:

Թեև սելջուկների Փոքրասիական թերա-
կողուն տիրանալը բուն երկրում հայ-բյուզան-
դական հարաբերություններին վերջ դրեց, այ-
նուամենայնիվ այդ հարաբերությունները շա-
րունակվեցին Կիլիկիայում, որտեղ հայության
մի ստվար զանգված ստեղծել էր իր անկախ
իշխանությունը, ապա և թագավորությունը:
Հայ-բյուզանդական հարաբերություններն այն-
տեղ այնքան սերտ էին, որ XII դարի երկրորդ
կեսից նորից սկիզբ առան երկու եկեղեցիների
միության առթիվ բանակցությունները: XIV դա-
րի վերջում Կիլիկիայի հայկական պետությունը
դադարեց գոյություն ունենալուց, դրա հետ
մեկտեղ վերջ գտան նաև հայ-բյուզանդական
քաղաքական հարաբերությունները, թեև դրա-
նից հետո մինչև Բյուզանդական կայսրության
անկումը հայ տարրը շարունակում էր կարևոր
դեր խաղալ Բյուզանդիայի կյանքում:

Վերջում զեկուցման մեջ մանրամասն խոս-
վեց հայոց պատմության ուսումնասիրության
ուղղությամբ հայ և ֆրանսիացի բյուզանդագետ-
ների կատարած աշխատանքի մասին, Հայաս-
տանի և Բյուզանդիայի պատմության ուսում-
նասիրության համար բյուզանդական և հայկա-
կան սկզբնաղբյուրների կարևոր նշանակության
մասին, նշվեցին այն խնդիրները, որոնք պետք
է ավելի խոր ուսումնասիրության առարկա դառ-
նան (սկզբնաղբյուրների հրատարակություն,
թարգմանություններ և այլն):

Ֆրանսիական կողմից «Բյուզանդիա և Հա-
յաստան: Խնդիրներ և ուսումնասիրություն-
ների արդի վիճակը» թեմայով բովանդակվից

զեկուցում կարդաց ՀՍՍՀ ԳԱ արտասահմանյան
անդամ, պրոֆ. Սիրարֆի Տեր-Ներսեսյանը: Նա
կանգ առավ ոչ միայն հայ-բյուզանդական դա-
րավոր հարաբերությունների ամենատարբեր
կողմերի և բնագավառների վրա, այլև մանրա-
մասն կերպով ներկայացրեց այդ ուղղությամբ
կատարված ուսումնասիրությունների արդի վի-
ճակը:

Առաջին պրոբլեմի առթիվ հայ-բյուզանդա-
կան հարաբերությունների տարբեր բնագավառ-
ների հարցերին նվիրված ելույթներ եղան
Հանդես եկան Կ. Յուզբաշյանը (Լենինգրադ),
Հ. Ռարիկյանը (ԳԱ պատմության ինստիտուտ),
Ա. Տեր-Ղևոնդյանը (ԳԱ պատմության ինստի-
տուտ), ՀՍՍՀ ԳԱ թղթակից-անդամ Բ. Ն. Ա-
ռաբեկյանը, Ս. Արևշատյանը (Մատենադարան),
Լ. Ազարյանը (ԳԱ արվեստի ինստիտուտ), բա-
նասիրական գիտությունների դոկտոր Լ. Դ. Խա-
չերյանը (Մատենադարան):

Երկրորդ պրոբլեմի (սֆրանսիական հեղա-
փոխության պատմության ուսումնասիրության
արդի էտապը) մասին սովետական կողմից
զեկուցում կարդաց պրոֆ. Ա. Չ. Մանֆրեդը: Նա
մանրամասն կանգ առավ Ռուսաստանում ֆրան-
սիական հեղափոխության պատմությամբ զբաղ-
ված բազմաթիվ հեղինակների գործերի վրա:
Նշեց, որ այդ հարցը հուզել էր Ա. Ս. Պուշկի-
նին, որը նպատակ էր դրել գրելու ֆրանսիական
մեծ հեղափոխության պատմությունը, մի բան,
որ այդպես էլ չիրականացավ: Այդ հեղա-
փոխությանը մեծ հետաքրքրությամբ էին վե-
րաբերվում ղեկաբերիստները, Գերցենը, Բե-
լինսկին, Գ. Վ. Պլեխանովը և հատկապես
Վ. Ի. Լենինը: Այժմ, ընդգծեց զեկուցողը, ա-
ռանց Լենինի գործերի հնարավոր չէ ֆրանսիա-
կան հեղափոխության ուսումնասիրությունը,
հատկապես մեթոդոլոգիական տեսակետից: Լե-
նինը ցույց տվեց, որ բուրժուական հեղափո-
խության շարժիչ ուժը միայն բուրժուազիան չէր,
այլ հասարակության ցածր խավերի ամբողջու-
թյունը: Դիկտատուրա և դեմոկրատիա հասկա-
ցությունները, որ դիտվում էին որպես հա-
կոտնյա, Լենինը մոտեցրեց իրար և առաջ քա-
շեց «Յակոբինյանների դեմոկրատական դիկ-
տատուրա» հասկացությունը: Զեկուցողն այնու-
հետև ընդգծեց Տարլեի, Կարենի, Կովալևսկու,
ինչպես և Վ. Պ. Վոլգինի դերը տվյալ հարցի
ուսումնասիրության գործում: Վոլգինը զխավո-
րեց ֆրանսիական հեղափոխության պատմու-
թյունն ուսումնասիրող սովետական պատմա-
բաններին, որոնց աշակերտները մեծ նպաստ

Ս. Տեր-Ներսեսյանի զեկուցումը տպա-
գրվում է «Պատմա-բանասիրական հանդեսի»
այս համարում:

բերին հարցի հետադա ուսումնասիրության գործում: Ա. Մանֆրեդը մատնացույց արեց այն հարցերը, որոնք հետազոտության կարիք ունեն, այն է՝ ֆրանսիական հեղափոխության նախապատրաստությունը՝ Ֆրանսիայի տնտեսությունը նախքան հեղափոխությունը, արդյունաբերական հեղաշրջումը Ֆրանսիայում, հարցի սոցիալական ասպեկտը և այլն: Վերջում Մանֆրեդը մանրամասն ծանոթացրեց ֆրանսիական հեղափոխության տարբեր հարցերի քննության վերաբերյալ սովետական այն ուսումնասիրություններին, որոնք վերջին շրջանում լույս են տեսել ՍՍՀՄ-ում:

Ֆրանսիական կողմից տվյալ պրոբլեմի շուրջ զեկուցում կարդաց պրոֆ. Ժ. Գոդշոն: Նա ամենից առաջ տեղեկացրեց, թե Ֆրանսիայում հեղափոխության պատմությամբ զբաղվող հատուկ ամբիոն կա Սորբոնի համալսարանում, ստեղծված են առաձին ընկերություն, որն ուսումնասիրում է Ռոբեսպիերի գործունեության պատմությունը, ֆրանսիական հեղափոխության շրջանի սոցիալ-տնտեսական պատմությամբ զբաղվող հատուկ հիմնարկություն, որի ստեղծողը Ժոզեֆն էր, կա առանձին ինստիտուտ, որն ուսումնասիրում է միմիայն նապոլեոնի պատմությունը և այլն: Վերոհիշյալ հարցերով հատուկ զբաղվում են նաև Իտալիայում, Բելգիայում, Հոլանդիայում և այլուր: Հետաքրքրությունների շրջանակներն են մեթոդոլոգիական, պատմադրական, փաստադրական, նաև սոցիալ-տնտեսական հարցերը: Զեկուցողը կանգ է առնում ֆրանսիական հեղափոխության պատմությամբ զբաղվողների տարբեր կոնցեպցիաների վրա (կոնսերվատիվ, կլասիկ և այլն), ապա նշում ֆրանսիական հեղափոխության ազդեցությունը Եվրոպայի և Ամերիկայի մի շարք երկրների, այնտեղ ծավալված հեղափոխական շարժումների վրա և այլն:

Երկրորդ պրոբլեմի վերաբերյալ ելույթ ունեցան Ա. Սոբուլը (Ֆրանսիա), ակադ. Աբգար Հովհաննիսյանը, Իվ. Դյուբանը (Ֆրանսիա), պրոֆ. Ա. Լ. Նաբոչնիցկին (ՍՍՀՄ), պրոֆ. Ա. Ադոն (ՍՍՀՄ), պրոֆ. Բ. Ֆ. Պոռշենը (ՍՍՀՄ):

Վերջին՝ երրորդ պրոբլեմը նվիրված էր 1924 թ. ֆրանս-սովետական դիվանագիտական հարաբերությունների վերականգնման հարցին: Ֆրանսիական կողմից զեկուցում կարդաց ակադ. Մ. Բոմոնը, որը նախ և առաջ ընդգծեց ֆրանսիական ժողովրդի լայն խավերի պահանջը այդ շրջանում՝ վերջ տալու Ֆրանսիայի միջամտությանը Սովետական Ռուսաստանի ներքին գործերին: Կանգ առնելով ֆինանսական շրջանների բռնած դիրքի վրա, նա հայտնեց, որ վերջիններս, համոզված լինելով սովետական պետու-

թյան կայունության մեջ, պահանջ էին դնում ճանաչել Սովետական Ռուսաստանը, ակնկալելով ձեռք բերել ռուսական շուկան: Շրջադարձային նշանակություն ունեցավ Սովետական Ռուսաստանի մասնակցությունը Ճենովայի, ինչպես և Ռապալոյի կոնֆերանսին: Վերջինում կանոնավորվեցին Ռուսաստանի հարաբերությունները Գերմանիայի հետ: Ֆրանսիան Ռուսաստանին հանաչելու նախապայման էր դնում սովետական կառավարության կողմից ցարական պարտքերի ընդունումը, ինչպես և Ռուսաստանում ֆրանսիական հիմնարկությունների ազգայնացված դույքի համար փոխհատուցումը: Սովետները հրավեր են ստանում մասնակցելու Լոդանի կոնֆերանսին՝ նեղուցներին նվիրված հարցի առթիվ: 1924 թ. Սովետական Ռուսաստանին ճանաչում են Անգլիան, ապա Իտալիան: Ֆրանսիական մի շարք թերթեր արդեն սկսում են հոգվածներ տպագրել Ռուսաստանի հետ առևտրական կապեր հաստատելու օգտակարության մասին: 1924 թ. մայիսին Ֆրանսիայում ընտրությունների ժամանակ հաջողություն է ունենում ձախ բլոկը էդ. Էրիոյի գլխավորությամբ: Նոր կառավարությունը փոխում է իր դիրքը Սովետական Ռուսաստանի նկատմամբ և շուտով, 1924 թ. հոկտեմբերի 28-ին Ֆրանսիան ճանաչում է Սովետական Ռուսաստանին և հաստատում դիվանագիտական հարաբերություններ, որոնք հիմնված էին մեկը մյուսի ներքին գործերին չմիջամտելու սկզբունքի վրա:

Սովետական կողմից այդ պրոբլեմի մասին զեկուցում կարգաց պատմ. դիտ. թեկնածու Ա. Զուբարյանը: Նախ և առաջ նա անդրադարձավ այն հարցին, թե ինչպես էր մոտենում սովետական կառավարությունը Ռուսաստանի և Ֆրանսիայի դիվանագիտական հարաբերությունների վերականգնմանը: Խնդիրն այն էր, թե հնարավոր է արդյոք, որ հաղթանակած սոցիալիզմի երկիրը կապեր հաստատի կապիտալիստական աշխարհի հետ: Վ. Ի. Լենինը հիմնավորեց սովետական երկրի իրավունքը՝ հարաբերություններ ունենալ արտաքին աշխարհի հետ: 1918 թ. ապրիլ-մայիս ամիսներին մշակվեցին այն պլանները, որոնց հիման վրա հնարավոր էր դիվանագիտական հարաբերությունների վերականգնումը: 1920 թ. սովետական պետությունը ակտիվ աշխատանք է տանում տարբեր պետությունների հետ «խաղաղ համակցության» ուղղությամբ: 1921 թ. առևտրական հարաբերությունների հաստատումը Անգլիայի հետ և Ռապալոյի կոնֆերանսը ճեղքվածք էին Ռուսաստանի մեկուսացման ուղղությամբ կապիտալիստական պետությունների վարած քաղաքականության մեջ: Զեկուցողը ցույց տվեց, որ դեռ 1920 թ. սկսած սովետական ներկայա-

ցուցիչները ընդգծում էին Ֆրանսիայի հետ հարաբերությունների վերականգնման ցանկալի լինելը և որ Ճենովայի կոնֆերանսում սովետական պատվիրակությունը առաջադրանք ուներ աշխատել հարաբերությունների վերականգնման ուղղությամբ ոչ միայն Անգլիայի, այլև Ֆրանսիայի հետ, հարաբերություններ, որոնք Ֆրանսիայի հետ հաստատվեցին 1924 թ. հոկտեմբերի 28-ին՝ Ա. Չուբարյանը վերջում կանգ առավ այդ հարաբերությունների վերականգնման հոգեբանական գործոնների ազդեցության վրա, և առաջին հերթին այն բանի, որ Ֆրանսիան Ռուսաստանի ավանդական բարեկամն էր։ Զեկուցողը նշեց նաև տվյալ հարցին նվիրված սովետական նոր ուսումնասիրությունները։

Ելույթներ ունեցան Չ. Ս. Բելոուսովա (ՍՍՀՄ) և պատմ. գիտ. թեկնածու Լ. Պ. Մաևսերյանը (ՍՍՀՄ)։

Պատմաբանների սովետա-ֆրանսիական շորորդ կոնֆերանսի արդյունքները ամփոփեցին՝ ակադ. Գուբերը և ակադ. Շենյդերը։ Նրանք ընդգրծեցին կոնֆերանսում կարգացված զեկուցումների և ելույթների գիտական բարձր մակարդակը, կոնֆերանսի նշանակությունը սովետական և ֆրանսիական ժողովուրդների բարեկամության հետագա ամրապնդման ու զարգացման գործում, շնորհակալություն հայտնեցին ՀՍՀՄ գիտությունների ակադեմիային և հատկապես ակադ. Արզար Հովհաննիսյանին՝ աշխատանքների լավ կազմակերպման և հաջող անցկացման համար։

Հ. ԲԱՐԹԻԿՅԱՆ